

本

事

詩

本事詩後集目錄

卷九

周亮工

顧大申

陳瑚

彭孫遹

宋 榮

王士祿

李念慈

施閏章

丁 澎

徐乾學

尤 侗

錢中諧

錢陸燦

徐 夜

董俞

程康莊

張養重

俞南史

雷斑

梅子魁

錢霍

徐倬

吳毓珍

陸棻

沈章

本事詩卷九

後集

吳江徐 鈞電發編輯

邵武徐 榦小勿校刊

周亮工

元亮櫟園
祥符人

櫟園先生移家白下駐節青溪桃葉煙波莫愁佳麗
間訪始遍嘗于舟中與胡元潤談秦淮盛事云紅兒
家近古青溪作意相尋路已迷渡口桃花新燕語門
前楊柳舊烏啼畫船人過湘簾緩翠幔歌輕絢扇低
明月欲隨流水去簫聲只在板橋西讀之幾欲作望江南也

海上晝夢亡姬

姬與予共甘苦者七載餘性悲壯青陽城上矢

死登陴絕命時言妾爲情累誓不願再生此世
界幸祝髮以比丘尼葬生宛丘死維揚感不寂
寞然妾魂夢終在白門柳色中不在簫聲明月
下也郎君城上詩猶能默識幸書一通并妾所
和詩置諸左茗椀古墨及素所佩刀置諸右覆
以大士像左持念珠右握郎君名字章仗佛力
解脫非願再世作臂上環也語淒切不忍聞姬
王氏父爲老諸生歸余時卽能爲有韻言蓋本
之庭訓云隨予宦維揚疾死署中年才二十有

二葬秣陵牛首之東姬志也亡三載矣不數入
夢每爲詩哭之亦哽咽不能句己丑之夏董師
海上舟泊城頭風波鏗鎔鳥獸悲鳴茫茫交集
遂有魂來握手涕泗儼若生初未免有情不自
知其絮絮矣

波濤鏗鎔客心降遠夢無煩待夜釭芳草路迷煙漠漠雲
車風轉水淙淙木銜精衛寧知濶珠滴鮫人竟欲雙躑躅
詢郎戰苦處烏龍江透白龍江

宵渺天風吹步虛因知僊路死能如全無非是惟羹綉但

有仇讐在魯魚瀚海誰憐驅戰舶草堂空約註農書瀕行
猶道波濤惡何似閒乘下澤車

閨中作賦未曾休玉女新乘白玉樓才鬼臨文情自豔鏡
臺有句力偏適瓣香未必留巫峽杯酒常懷莫莫愁猶憶
微酣譏我語不仙不佛不封侯

姬別有近體詩百餘首秘之勿傳

香粉塋中葬佩刀月明起舞鬼能豪新銘囑記前金粟小
傳歡攜舊學陶百雉城高驚白浪孤鴛夢冷憶江臯依稀

更見帷中面玉步聲搖大海濤

姬嘗自稱金粟如來弟子予有連珠小玉章鐫子

名及學陶字姬沒時命予納掌中白浪河在北海城西

危樓城上字青陽一飯軍中盡激昂
旗影全開慚弱女鼓聲欲死累紅妝
玉臺咏雜空王卷錦繖塵迷壞色裳
僊佛英雄成底事勞勞亭畔柳千章

海天漠漠旅魂招聚散來潮與退潮
莫憶房中調綠綺猶聞城上擊金鐮
相懷馬瘦烽煙直齊魯車輕雨雪瀟
往事

難從同伴問白楊樹下雨瀟瀟
庚辛閒自相懷入燕京赴北海時載道烽燧予與姬

策單騎數千里

慧刀乞我斷情根柳色誰教戀白門
釧上尼珠閒月指機中綵線認風旛
舌刪綺語微存戒膝少佳兒未若髡
城上

詩同風雨葬難從劫後釋煩冤

北海城上諸詩姬皆有和痛定之後每向余誦昔詩

未嘗不唏噓淚下也瞑去時猶命予作小楷納之懷中

衆香國裏水僊王
薜荔裳垂碧玉璫
草色孤墳新白下
簫聲明月舊維揚
依違夢不離江渚
辛苦魂能認海航
贈爾冰絲千萬尺
一絲更莫繡鴛鴦

竹枝詞爲胡彥遠納姬賦

輕風襲襲吹蘭船
但道錢塘路不遙
我有北孃能說餅

彥遠

舊納姬唐山

涵頭莫更戀江瑤

姬涵江人江瑤柱獨出涵江

喃喃細說細君賢
一意溫存百意憐
貪得紫香香到口
瞞

人牆外遞金錢

莆中荔枝以紫香爲貴欲得一顆牆外輸金錢一枚

花氣泥人意未舒難教順水囑雙魚侍兒偷報仙霞信再

檢黃河八閘書

彥遠黃河八閘寄內書情文備至

蠻妝新樣木蘭陂學得金陵百事宜

姬初至榕城學爲秣陵妝

莫羨江

蘋黃石好

江蘋蒲之黃石人

我儂鄉裏有西施

舟中與胡元潤談秦淮盛時事

曲曲銀河蕩晚霞蘭叢玉瑟閒琵琶暗潮夜濕依欄石細

雨朝開隔岸花菡萏無心臨翠蓋芙蓉有意映窗紗雲鬟

月底分明畫妬殺垂楊一半遮

本事詩 後集

卷九

四 邵武徐氏刊

章丘追懷李中麓前輩

焉文閣裏舊詞魔自說聞聲泣下多
鸞管檀槽明月夜百

年猶按奉常歌

公以焉文名閣常言演其自作劇客無不泣下沾襟恐損道心往往逸去公稱其客

有濟南胡春以鵝管作笛有穿雲裂石聲長于竹聲者旁
觀嘆羨而已予過章丘猶見有爲此技者公以奉常致仕

青龍鈔就自矜誇一律勻停譜鏤鈔樓上燭光空自合錢

塘不許唱琵琶

公常作寶劍記自言音韻勻停遠出琵琶上琵琶惟雁魚錦梁州序四朝元及甘州

歌等六七闕爲可餘皆鬆懈更用韻差池何至
神其事曰作記時燭光合遂名其樓曰瑞光耶

擎杯振藻百千函賴得荒唐足謝讒自許臨文非率易惟

將委曲許遵巖

公與樂安李慰欽同有文名時稱二李皆以不合于時致政歸慰欽致力經學公獨

判客調笑聚童放歌以此自遠于世云公集最夥每擎杯
屬筆對客飛翰咄嗟而辦常推王遵巖行文委曲每欲效
之

憑教一笑散窮愁小令元家字字搜南客不知宮調好虞

山近始豔章

公所著雜劇如園林午夢類總名曰一笑散公所藏元人曲有百十種如馬東籬白

仁甫諸曲皆手自改訂付梓又最喜張小山喬夢符小令
尚刻以行公名噪于北江以南猶不深知近虞山刻列朝
詩選始爲闢揚小

傳頗悉公生平

顧大申

見山華亭人

戲作絕句寄別歌者

龍笛悠揚羯鼓悲南風作雨北風吹玉杯
漱瀝無情甚但

向江頭送別離

賈家舞袖郝家歌盡日山城鬪綺羅老去襟情偏浩蕩將
軍臺榭飽經過

翠黛明眸撥四絲應將雙璧比紅兒曼聲鳳尾槽邊出此
曲流傳是段師

醉吟室裏消長夜冷月當筵入四更猶記多情賢府主笑
題小字號連城

陳

瑚言夏確菴嘗自稱七
十二潭漁父太倉人

蘭陵美人歌

示冒
辟疆

辟疆豪氣今人獨客來便肯開醺醺生平杯勺未能勝勸
客千觴歡不足筍輿迎我向園亭夜夜紛紛奏絲竹妬殺

楊枝鸚鵡歌惱亂秦簫鳳凰曲徐郎窈窕十五六髮覆青

絲顏白玉昔之紫雲恐不如滿座倡狂學杜牧

楊枝秦簫
紫雲皆辟

疆家就中獨有江南人十載愁聞歌舞聲今宵忽聽江南

詞淚似珍珠百斛傾主人好客情未已池上明朝重贈鯉

更攜紅袖坐蘭舟清光下上芙蓉水維時客臥不能從主

人強起聊相同一見美人問何處云在蘭陵渡頭住誤落

青樓塵網中不知誰是儂夫婿美人嘲我村如牛作客旣

無金絡腦當筵那有錦纏頭我謂美人卿莫笑將爲卿卿
發長嘯辱并昔因誰氏沈蘇臺舊爲何人沼觸撥興亡今
古悲仰面看天爭鬪鬪主人勸我且飲酒一吸遂盡三百
斗醉來白石叱成羊醒後蒼雲化爲狗美人美人爾來前
人生豈得長少年不如歸去江南好飄泊天涯最可憐君
不見湓浦灘頭琵琶婦江州司馬亦潸然

彭孫通

駿孫羨門
海鹽人

駿保與西樵阮亭爲香奩倡和詩人都傳之作小令
長調皆臻妙境阮亭撰倚聲集推爲近今詞人第一
中遭放廢日從吳姬于酒閒按拍擲彈紅牙檀板新
聲宛轉其興致亦在柳郎中秦淮海之上也漁洋山

人曰程村與羨門舊不相識一日相遇阮亭座上都
無寒溫既而阮亭起曰鄒大彭十夙昔千里相思今
日尹邢相見可無一言乎二君皆大喜過望于是定
交孫默無言合刻三家詞阮亭嘗有絕句云不逢鄒
子三春信絕憶
彭郎八斗才

王龍標納姬于外館巫巒穉有詩相調余戲和之
畫閣名姝絕代無浦雲山雨對金鋪偷將內史臨川筆搗
得滕王蛺蝶圖

和松陵女子虎丘題壁詩

黃葉驚秋樹影微天涯羈客苦思歸松陵江上青楓冷夢
逐行雲一片飛

王西樵再過虎丘題彭十詩後云嶺梅江草跡參差
拂壁空思半醉時幸不巡牆兼遠柱春風曾此讀君
詩時羨門方遊嶺南也王阮亭戲送彭十入粵詩并
附大姑彎彎眉黛長小姑窈窕宮亭妝三日潯陽風
信到雙姑早
晚嫁彭郎

宋

曄

牧仲商
巨人

汪鈍翁說鈴曰宋公子曄家居時嘗命作蘇子
瞻像輒貌已侍其側後簋仕竟得黃州通守

清風店口號

店有西陵難
女宋娟遺筆

淒風苦雨不勝悲獨宿清風店裏時一夜幾番添蠟燭牆

頭細讀宋娟詩

錢塘顧啟姬鄂子幼輿室人也曩於京師有花憐

昨夜雨茶憶故山泉之句一時豔稱之茲幼輿

遠道見訪口占以贈

閨中有高咏茶憶故山泉似此驚人句難爲贈婦篇畫眉
君暫輟下榻我相延賦就滕王閣靈風促轉船

王士禛

子底西樵
新城人

汪鈍翁說鈴云二王好香奩詩唱和至數十首劉比
部寓書于子問訊博士曰王大不致墮韓冬郎雲霧
否又按博士香奩詩自序云情至之語風雅掃地然
不過使我于宣尼廡下俎豆無分耳蓋其託興如此
司勳十笏草堂詩歌老蒼兀界酷似劍南眉山有
時闌入綺語風骨迥嬾當其醉卧東山興酣絲竹雖
復繡佛長齋而記曲簾前時拋蠶豆覽燃
脂一集故知維摩入定亦愛畫髮佗也

聞大司寇五紘李公罷遣歌姬遙呈此歌

聽歌曾入忘憂界月落河傾不知憊令公豈是尋常人天
與豪華當十賚近聞學道遣諸姬爲公搖搖不可耐汾陽
聲伎娛暮年疇能寂寞甘鮭菜況公磊落須達觀不應竟
縛枯禪戒未是香山與病緣何妨樊子同春在安石攜妓
誠有取處仲開閣終無賴誰爲公畫此策者狂奴恨不鞭
其背一朝解脫追舊歡瓊枝仍粲春風內好炙笙簧教細
吹更展瓊瑜待高會司勳雅有牧之狂尙書元是司徒輩
掉頭會訪午橋莊洗眼重看回鶻隊

漁洋山人曰家兄聞於陵司寇罷遣歌伎作歌調之
余亦戲成五絕句云司勳一首快儂詩憶其尙書夜
讌時萬種心情消未盡忍辭駱馬遣楊枝錦帶明珠
淚暗垂煙波迴雪出門時銷魂兩地風流盡無復當
筵屈柘枝琵琶舊譜未曾傳虛住揚州過五年畧似
江潭話天寶梨園法曲已如煙促疊蠻鼉漏滴壺紅
靴十隊舞礪瑜狂夫閱盡南朝豔不抵西樓一斛珠
曾見仙人揮白榆女牀書到宴清都不因妄意麻姑
爪王遠仙鞭易得無按阮亭自注云錦帶明珠司寇
伎人之尤麗者煙波迴雪南昌李宗伯家伎近聞亦
適人矣又司寇曾屬
余在揚州覓古琵琶

聽白璧雙琵琶

白生璧雙名珏通州人琵琶第一手吳梅村曾
作琵琶行陳其年詩所謂一曲紅鹽數行淚江
南祭酒不勝情者也

四絃誰破夕煙昏怡是香山老裔孫國手那推賀懷智妙
音直壓康崑崙移時寂歷鳴沙雁一摘崩騰斷峽猿不是
狂奴能作達此中應有淚千痕

鍾山秀才歌

鍾山秀才者李翰林研齋夫人少攻筆墨而金
陵之人因以目之者也研齋酒閒道其事爲隳
括作此歌

嬋媛有女鍾山居明珠不結紅羅襦獨向閨房弄筆墨墨
痕時壓脣邊朱遂有鍾山秀才號甄家博士差同調金釵

每劃月窗痕錦綳愛寫風林貌水晶小印珊瑚紅字摹萱
草書名工夔門太史得一見不知乃出囊笥中太史時亦
金陵住英雄苦有猜嫌慮浮沈聊試覓紅顏那知卻與傾
城遇傾城相遇忽相憐誰能遠結來生緣不成便辟留候
穀好與共泛鵝夷船貯將絕代金堂裏難忘結習芙蓉紙
夫君乍見驚且疑胡與鍾山秀才似一笑知是當時人當
時見影今會眞文園病令詎辭渴關圖小妹誠殊倫書成
朱鳥曾盈筥

余有朱鳥逸史一書
備記閨秀之能文者

爲君作歌重紀事許寫

湘蘅報苦吟須署鍾山秀才字

鍾山秀才**有婢曰墨池**研齋爲作墨池傳曰乙未予
在金陵見墨竹數幅善價易之子問何人畫曰是尙
不識耶蓋鍾山秀才也無何大司馬某公爲子納聘
及歸新娶婦不知其何能有女子媵者也名墨池子
佳其名問之則以爲是侍作畫者每畫宜墨之淡俾
女子以口受筆退其墨故名墨池子異甚卽屬畫則
墨池之侍畫果然久之子貧窶秀才之舊物及所蓄
舊墨古硯名人手蹟皆爲子盡則以墨池適于人適
之無幾日其家人來言墨池死矣死之先墨池告主
人曰吾夢吾母在焉撫吾曰汝何離秀才汝有墨祿
今絕之矣秀才聞之淚下是丁酉年七月事

菊香墓

墓在孤山四賢祠左不知何許人獨碑上
女郎菊香墓字隱隱可辨夕煙春草淒豔

移人馳黃屬賦

因題二十字

昨過西泠路蒼茫弔夕曛餘魂銷未盡重賦菊香墳

余於己卯五日汎舟西子湖尋菊香墓見碑上刻本
司婢女菊香之墓字曾賦漁家傲一闕云艾虎釵符
懸百結蘭橈重汎菖蒲節影漾湖心清又徹無休歇
子規枝上聲聲血瘞玉埋香魂斷絕銀濤江上空鳴
咽莫把靈均閒話說春
纖捏半彎邏渺沈檀屑

西湖竹枝詞爲阿應作

阿應的的斷人腸秋水爲眸霧剪裳花下閉門定何許陸
祠西去岳墳旁

湖畔十三嬌女兒新聲還較囀鶯遲何當良夜隨儂去明
月滿船歌竹枝

五憶詩

按此詩亦
爲阿應作

願爲形影共徘徊少別心情已莫裁最憶湖樓憑暮雨斷
橋煙暝小舟來

嚼花吹葉太憨生祇道狂奴獨有情最憶杯殘訴離怨酒
痕和淚一襟明

湖心亭北指君家暗約迴橈訪若耶最憶酒闌風雨急親
迎桃葉一舟斜

船頭明月坐深宵茉莉風涼碧漢遙最憶流輝照雙影沈
郎清瘦謝孌嬌

煙波容與散幽懷斜日荷香靜水涯最憶淹留迴夜舫流

螢飛墮玉兒釵

寶鐙怨

爲李雲田作

門裁武昌柳
槃膾武昌魚
妾是武昌女
只愛武昌居
儂子勝阿侯
儂心異桃葉
郎若來相迎
折卻篙與楫

贈韓生

生善平話常供奉
世祖皇帝

政平如水
先皇日行樂
時時觥戲傳
江畔逢君訴
遺事
斷腸如遇李
龜年

謔語縱橫許
入詩
舍人侍宴柏
梁時
武皇沒後
天無笑說
著宮車只淚
垂

遺樂行太原王君席上作

王君豪舉多風格明月壺觴夜留客酒酣宛轉出歌人廣
帕纏頭宮袖窄仙音法曲非人間按拍時時聞太息客疑
太息應有因垂泣向客爲客陳早年芳齒當三五藩邸豪
華競歌舞鵲絃不數段師彈清歌每逐花奴鼓紫雲異調
少人聞來遲新破誰輕覩一從戎馬起秦川世事飄零劇
可憐桃李久摧故宮路松柏并闕西陵田公孫弟子窮無
倚趁食鬻歌老不死忽忽回頭二十年差垂白髮華筵裏
當筵聞此爲撫膺白衣蒼狗信難憑坐客雖非沈家令斷

賜如遇鄭中丞

鄭中丞唐時宮人流落者也

李念慈

肥瞻劬菴涇陽人

與歌兒紅樹

碧葉著秋色天嬌若朝霞自貪紅樹好不復愛桃花

施閨章

尙白愚山宣城人

新嘉驛次會稽女子韻

環珮魂歸何處遊若耶溪畔路悠悠生前不作鴛鴦夢定

化孤鴻叫隴頭

山陰徐緘伯調曰會稽女子題新嘉驛壁詩傳播久矣驛距兗州府四十里丁酉六月余道過之覓其題

字已漫漶不可識今年春暮愚山學憲乘傳止是驛
特徵遺事有老驛卒出應云萬歷四十七年有某將
軍過宿旦發甚早身實司供具收器物失一錫燈紫
最後得之屋角牆陰石碣上則詩在焉蓋其女是夜
秉以作書卽置其處而卒遂言其狀于人也卒秦姓
名登科年已七十餘矣顧今尚在誦詩及序甚詳愚
山旣爲文記之石并和其詩余亦有作云郵亭雨過
綠苔生使者風流萬古情白髮五朝存驛卒紅顏雙
淚濕燈檠燒殘銀燭心同死題罷新詩日
漸明往事徘徊何限恨神宗時節本昇平

丁 澎 飛濤葑園
仁和人

葑園祠部盛名膺仕垂二十年中遭遷謫頽然自放
已西南還與僕相遇于任城酒樓典裘痛飲嘗著雜
劇以自況故僕有東岡舊恨題華表南部新詞託管
絃之句今錄其單辭隻字髣髴有旗亭歌唱之思
嚴顯亭云祠部少時有白燕樓詩流傳吳下士女爭
相採掇以書衫袖婺州吳賜如之器有句云恨無十

五雙鬟女教唱君家白
燕樓爲一時傾倒如此

聽舊宮人彈箏

銀甲斜拋鴈柱飛玉熙宮裏尙依稀
不須彈到回波曲說著先皇淚滿衣

徐乾學

原一健菴
崑山人

贈歌者

柘枝舞罷憶家山落日長楸走馬還
絲管春風急相待莫因霜色損紅顏

尤

侗展成悔菴
長洲人

西堂雜組云戊戌十月王學士熙侍經筵次上偶
談光僧四壁皆畫西廂卻在臨去秋波悟禪公案學
士隨以侗文對上立索覽學士先以鈔本進復索
刻本上覽竟親加批點稱才子者再因問侗出身
履歷爲歎息久之仍命取全帙置案頭披閱他日又
摘討蚤檄示學士曰此奇文也問有副本否答曰無
遂命內府文書官購之坊閒不得已亥三月侗適過
都門使者跡至旅次攜一冊去裝潢進呈上大
亡何有以侗所著讀離騷樂府獻者上益讀而善
之令梨園子弟播之管絃爲宮中雅樂以爲清平調
之比云按悔菴爲盧龍司理邊風蕭瑟黑夜射虎
意氣殊壯旣落職家居益縱情聲伎磨韻調絃節謳
度曲所著樂府讀離騷外又有弔琵琶桃花源黑白
衛李白登科記諸雜劇悲歌激楚不異玉茗主人青
藤居士王阮亭寄詩云南苑西風御水流殿前無復
按涼州飄零法曲人閒遍誰付當年菊部頭讀之歎
下也

春風舞歌弔何澹玉

予客江上交毘陵莊芑燕芑燕爲人豪蕩不羈
工詩賦兼善扶鸞因爲予言虬仙何澹玉澹玉
武陵妓才色雙麗年十八卒故有亡年纔十八
死託杜鵑根之句又云酒香過一世花苑活三
生其人放誕風流可見又一律忘其首句後云
數曲琵琶絕妙詞看盡青衫惟有淚燒殘紅燭
不成詩半簾梅影無君瘦千古情人是我癡可
惜臨岐分付語至今湖水笑相思又有歌云春

風舞春風舞吳姬紫玉飛作煙越豔西施化爲
土此首最佳而芭燕憶之不全惜哉芭燕嘗作
別院書武陵何澹玉神主以炷香供之他日其
紙爲旋風吹起繚繞爐煙之上視之有小影焉
約掠湘鬟翩躚舞袖如片月離雲疑欲乘風飛
去至今跡稍滅猶髣髴可圖也然澹玉竟以是
日辭去嗟乎澹玉不幸芳年葬玉殘香剩墨散
佚無傳幸而降乩芭燕家如洞口桃花片片流
出又不幸而芭燕所記寥寥僅得此徑寸珊瑚

不無遺恨然又幸而予及見之爲玉臺新詠增
一佳話不與斷釵蝕襖零落歸山丘也乃賦詩
弔之卽以春風舞命篇

春風舞朝舞雲暮舞雨雲飛雨散風無處昔日錦屏人長
短鴛鴦譜今日夜臺客冷暖胭脂土吳宮姬越溪女素衣
如夢玉如煙千載重逢斷腸侶美人窈窕楊柳年趙瑟秦
箏手解語枇杷花下醉紅裙燕子樓中歌白紵一朝深葬
青楓根荒壠年年啼蜀字誰知天下有情人離魂猶作芙
蓉主鈿車遊戲到人閒張郎幸遇湘江杜黃子坡頭詩句

新白鶴飛來歸何許只今片影畫留仙舞袖弓腰削翠羽
相思無路喚眞眞霧髻風鬟爲誰嫵君不見蘇娘家住錢
塘澣犀簪唱徹黃金縷又不見青娘墓築孤山墅春衫血
點紅顏薄風流宜與何娘伍三生一笑相爾汝他年載酒
賦招魂舉杯澆遍西陵浦

訪馮靜容較書

曲巷低迷油壁車旁人爭指小憐家湘江香草傳青管巫
峽行雲隱碧紗有意抱琴歌宛轉無緣滅燭醉天斜閒情
久作沾泥絮又逐東風楊白花

留別靜容

無計消停青釧車布帆容易便歸家
紅紅歌串拋朱豆灼灼啼痕點絳紗
南曲關心人去後西風回首鴈橫斜
還期九月秋江上載酒扁舟看荻花

是處羅裙載滿車偏教倩女別無家
旌旗楚峽歸行雨簫鼓吳宮葬浣紗
蘇小墓前雲半吐青姑祠下月橫斜
紫荊紅蓼年年老爭似西園短命花

靜容江上名姬也意度瀟灑風韻不減徐孺嘗登場
演劇一座傾靡有和梅菴詩云掃眉才子忽停車鸚
鵡傳言到妾家三日名花留坐褥五雲彩筆照窗紗
青衫肯惜紅顏薄翠袖容扶烏帽斜珍重春風數相

訪小庭新
樹枇杷花

和花史詩

瑤宮花史傳云花史小名月兒明初山陽富家
女也年十六獨在花下摘花爲一書生所調父
母怒而謫之遂赴水死王母憐其幼敏錄爲散
花仙史作詩云片片落英飛羽客翩翩獨向風
前立緩行徐過小橋東只恐春衫香汗濕其標
韻如此

芙蓉城主金釵客雲中飛舞風中立散花來到折花歸一

枝擎雨衣香濕

附湯傳楹卿謀和詩云花神聯隊迎佳客風幢不動
雲幢立微吟吹墜口脂香散作江南紅雨濕卿謀蘇
州人少年早天有
遺集湘中草傳世

戲贈花史侍女楚江

瑤宮別傳云楚江花史侍兒也與幼婢小紅皆
端麗明慧日侍香案請于王母許于甲申二月
降生趙地賜以玉璫一事翠鳳履一雙花史賦
鷓鴣天詞送之云整束簪環下碧霄教人腸斷
念奴嬌曲房空剩殘香粉獨對瀟湘憶翠翹尋
別話酌清醪盈盈徐送小紅橋從今不伴煙霞
客愛向風前鬪柳腰楚江和云朝飡風露暮陵
霄不羨金閨貯阿嬌卻恨柳絲牽月線強移花
色點雲翹情猶戀意如醪依依不舍舊藍
橋東君可許歸囊伴暫向塵封學楚腰

烏髻青衣一小蠻个中佳話已相諳
身爲花史司花女手
燃花枝半帶愁

和涿州郵亭詩

涿州驛壁有詩云棄子拋夫咽北風
馳驅心逐
曉雲空此身一死非難事惟戀今生
魂夢通已
丑冬日晉中薄命妾徐淑題予使車
宿此讀之
黯然漫和一絕

翠黛黃裙逐曉風
汾陽回首鳳樓空
只留蔡琰題詞在那
得秦嘉音信通

甲申以後燕南趙北郵亭驛壁閒粉香狼籍王子侯
自北歸宿任丘旅店中牆上有句云咫尺帝城愁更
切入門何以御摧殘自題邦關女子趙氏其全首漫
漶不可讀僕和云滿庭霜月浸闌干腸斷題詩上玉
鞍羃帳自隨沙草去蘭閨猶憶露桃寒只愁綠鬢顏
須改無那青衫淚易乾多恐書生同薄命休將紅粉
怨摧殘

錢中諧宮聲吳
縣人

和驛中女子趙雪華

趙雪華吳中羈婦有題壁詩
云不畫雙蛾向碧紗誰從馬

上撥琵琶離亭空有歸鄉夢驚破啼聲是
夜筵一時和者甚衆見來元成南行載筆

憔悴征塵去畫樓平沙萬里赴邊州可憐青塚千行淚併

作黃河一夜流

錢陸燦

湘靈吳郡人

秦淮竹枝詞

滿城秋意桂花開賣遍河房不用栽五百舍人今不見揀

花打餅阿誰來

前朝桂花開時有揀花舍人五百名

徐

夜

東癡新城人

漁洋山人曰東癡為王考功季木先生外孫風期蕭遠如魏晉閒人為文章超超元箸書法逼虞永興早棄諸生隱居蓬艾間屢空晏如獨與王西樵阮亭倡和阮亭常有詩贈之云湘東品藻留金管江左風流續玉臺

春情贈人

青入紅鞵深復深非關社日亦停鍼明朝撲蝶南園會預
辦釵頭鬪草金

一代才華怨落花西清園內賦新茶年年指點風流業猶

自垂楊綰暮鴉

董

俞

翁水華亭人

汪鈍翁說鈴曰雲閒董二孝廉俞最善賦學如鏡賦
薦賦採桑賦皆輕婉流麗可與吳兵曹綺韻頡頏董又
有送客入都詩云蕭條易水逝驅馬向空臺岸柳春
前放江鴻雪後來語極澹雅有自然之致楓江漁
父曰蒼水與聞石讀書崑山詞藻翩然竝擅機雲之
目晚尤縱情聲伎辛亥僕客茸城二董招妓譙集僕
有紅牙嘗獨按玉版喜
同參之句蓋贈聞石也

秣陵女兒行

秣陵烏啼春月夜櫻桃新種碧窗下青樓女兒羅敷年焚
香坐撥鴛鴦絃金鋪半掩飛花入嬌鬟髮鬢當風立須臾
皓魄映羅帷女伴藏鉤笑語微樽前寶髻茱萸豔燈下榴
裙蛺蝶飛沈沈子夜金鑪煖玉壺酒瀉蘭膏短白苧空憐
舞袖長紅牙醉度歌聲緩繡轂朝遊安石墩畫船春泛莫
愁村相如多病稱才子每到簾前欲斷魂

程康莊

坦如崑崙
武鄉人

崑崙以古文名家屏落鉛粉簪一夜和阮亭青溪遺
事詞鶯嘴啄紅燕尾點綠竟堪與秦七黃九爭長于

鉤簾借月染雲爲幌間見者無
不驚詫始知才人固未可量

峪園贈妓

飲朱太史峪園有妓某姬者歌以消觴酒闌邀
至其舍醉後題贈

濯濯青娥倚畫樓朱絃度曲不知愁若非太史虹橋度錯
認仙人在上頭

張養重

虞山人
陽人

歌妓芳塵持錦牋索題

白頭原是畫眉郎潦倒欣逢黃四孃手執鸞箋行索句一

時名動善和坊

采蓮曲戲芳塵擲蓮子

紅衣初散碧湖煙
花底鴛鴦學晚眠
手擲青蓮如彈子
只愁誤打別人船

俞南史

無殊鹿牀
吳江人

香奩社集分詠諸姬

吳姬舊有甲乙譜
無錫錢星客復修之
珠簾畫舫粉香載道
一時諸名士各賦詩
題贈名香奩社集
詩茂苑朱隗雲子曰
玉輕釵豔乍參差
密坐圖寒卜夜期
錦障班頭推火鳳
梨園色長有蠻兒
螺卮傳令沾衣酒
猊帶求書卽席詞
欲作羣芳生面譜
應看蓮本出青泥
正詠其事也

晚寒強病出來遲
微笑燈前影半欹
祇爲愁多長獨坐
翻嫌情重易相思
瓊花不是人間種
桃葉還從江上期
若有好花兼好月
攜來酒畔總相宜

沙才

瓜時初過正嬌嬌
煙葉雙眉不待描
濃睡未醒鸚鵡喚
曉妝難竟畫船邀
清歌疑傍爐煙散
豔影愁隨蠟淚消
一笑樽前似曾識
朝來莫共楚雲飄

郎立

日晚煙香護紫冥
迢迢忽覩下雲輶
逢人每見敲棋局
佞佛長思誦梵經
醉裏歌聲憑扇煖
座閒睂色映人青
酒闌黯黯消魂處
明月臨空白滿汀

梁昭

本事詩 後集

卷九

三 邵武徐氏刊

朝來曾不負芳辰
晚坐花閒送月輪
和曲自同王大令
學書曾仿衛夫人
每從南浦捐瑤珮
長向西窗醉錦茵
家在虎丘山畔住
眞孃或恐是前身

卜養

月下亭亭影不移
整釵微動小相思
眼澄秋水光初剪
身倚名花豔獨披
若對青鸞期莫失
倘逢紅鳳會休遲
雙成欲見無消息
還向君家寄怨詞

董曉

鳳影鸞音盡燭前
紅衫紫帶使人憐
蘭香宜出風塵表
絳樹還來歌舞筵
癩髓新塗光正媚
翠鈿初貼態逾妍
金莖好句偏成韻
細寫菖蒲小樣牋

蔣慶

定定詞

定定余友顧子家婢也初雖以色見寵仍令他
適後乃遇于東城外顧盼鳴咽不忘舊情曾爲
余道其事余恨顧不能如阮仲容之追鮮卑婢
而傷定定還如謝芳姿之愛王家郎因作此貽
顧庶使定定終爲所有矣

蘭房春暖調鸚鵡簾外百花香映戶此時最易動閒情花
面了鬟當十五青綾衫袖藕絲裳曉傍妝臺梳掠忙愛向
春園隨鬪草戲臨芳月捉迷藏長倚春風呈婀娜滿頭喜

插新花朶見人含笑更含羞秋眸斜睨香肩嬋主人驕養
正相依暮雨朝雲總不辭年紀破瓜劉碧玉風情題扇謝
芳姿誰知一旦中生變嫁與里人稀見面驀然相見淚還
垂猶憶殷勤舊歡宴其時有客最情癡說與偏令怨別離
曾覩嬌嬈還在眼爲君擬作比紅詩

雷

珽

元方笏山
井研人

汾陽別妓

汾州妓張慧玉年十五色藝雙絕工小
詩巧伺人意與笏山定情臨別出紅綃

半縷賦詩相贈所書小楷學衛
夫人亦成都在薛濤較書之流也

一從塵外問春光頓減羈懷老更狂靜苑鳥聲慚白雪流

杯鑑影出紅妝尙含暮雨花容潤欲綰浮雲柳帶長愁見
嶺南明日路遊蜂紛逐馬蹄香

梅子魁

不次宣
城人

賦得願作鴛鴦不羨仙贈仙卿女史和程蕉鹿諸

公韻

願作鴛鴦不羨仙筵開秋近草堂邊杯傾若下全分月柳
繫章臺不耐煙燕子樓中吹玉笛晚妝亭下落金蓮多情
常在含愁處分得餘香夕炤前

錢

霍

去病山
陰人

櫻桃歌范馭遠席上贈歌者孟紉蘭

時馭遠將之北平

范生留醉吳門豪白玉盤薦紅櫻桃
狂客一生歌白苧鄰女深更放剪刀
歌聲風裏飛如雪花落燈前細似毛
歌聲流轉催花落鸚鵡林行烏夜號
驚君忽作幽燕客江路春寒將贈袍
聞道幽燕近朔方招賢昔有燕昭王
祇今駿骨無人買莫向金臺騁驢驢
君行留不住夜宿投何處張徽一曲
送春風玉顏雙映櫻桃紅迴身幾轉
就郎抱青娥思殺白頭翁亂揮血淚
唯錢霍紛紛盡作櫻桃落

徐俸

方虎德清人

夏日集雪客寓齋聽侍史箏郎度曲

秦川公子舊珠袍
漫向靈均學楚騷
江上青楓聽不得
當筵且索鄭櫻桃

輕馱細馬致箏郎
樹裏聞歌客斷腸
不是東君親囑付
人閒那得有清商

瘦腰十五正盈盈
就裏清臚轉盼明
一曲山香花未落
客懷強半付銀箏

吳毓珍

伯英新安人奉天籍甲午鄉薦乙未會副歷任按察司

竹西讌集贈歌者

隋堤秋柳影垂絲殘照還同白下時忽聽霓裳歌一曲沈
郎應減舊腰肢

含情含笑總凝眸猶憶侯家舊主謳偏愛阿濃調笑巧黃
金不惜爲纏頭

友人納姬和韻

吳姬年十五惆悵落花天別有銷魂處慙心入管絃

南市樓

環居皆青樓事
見蓉塘詩話

狹邪門徑轉如環日日青樓賣笑閒漫啟新聲歌白雪誰
憐薄命是紅顏

陸

棻

義山平
湖人

贈女史文英

琉璃硯匣鎮隨身芍藥吟成象管新
休擬行雲近巫峽玉

峰十二自嶙峋

沈

章

宗玉嘉興人
有苧莊集

有贈

名下無雙鏡裏雙雲光微露薄紗窗
漢宮春曉三千隊數到圖終未肯降

本事詩後集卷九終

本耳寺後集卷九

本事詩後集目錄

卷十

王士禎

汪琬

鄭祗謨

陳玉璣

陳廷敬

董以寧

徐緘

吳懋謙

附宋蕙湘

顧景星

孫陽

毛先舒

吳綺

徐嘉炎

顧樵

本事詩卷十

後集

吳江徐 鈞電發編輯

邵武徐 榦小勿校刊

王士禎

胎上阮亭
新城人

西樵司勳曰胎上蚤負夙慧神姿清徹如瓊林玉樹
朗然照人弱冠登進士爲揚州法曹日集諸名士于
蜀岡紅橋閒擊鉢賦詩香清茶熟絹素橫飛故陽羨
陳維崧其年有兩行小史豔神仙爭寫君侯斷腸句
之詠至今過廣陵者道其遺事彷彿歐蘇不徒憶樊
川之夢也宗元鼎定九贈阮亭詩云休從白傅歌楊
柳莫向劉郎演竹枝五日東風十日雨江樓齊唱冶
春詞又云淮南風景幾人知好是清明細雨時酒冷
香殘腰帶減詩
狂他日想王維

秦淮雜詩

青溪佳麗白下治遊空存小姑之祠無復聖郎
之曲渡名桃葉懷王令之風流湖近莫愁憶盧
家之舊事高臥邀笛之步偶成擊鉢之吟調類
清商語多雜興以所居在秦淮之側故所詠皆
秦淮之事云爾

潮落秦淮春復秋莫愁好作石城遊年來愁與春潮滿不
信湖名尙莫愁

新歌細字寫冰紈小部君王帶笑看千載秦淮嗚咽水不

應仍恨孔都官

弘光時阮司馬以吳綾作朱絲闌書燕子箋進宮中

舊院風流數頓楊梨園逞事淚霑裳樽前白髮譚天寶零落人閒脫十孃

傳壽清歌沙嫩簫紅牙紫玉夜相邀而今明月空如水不

見清溪長板橋

傳壽字靈修舊院妓能絃索喜登場演劇沙名宛在字嫩兒桃葉女郎有蝶香集

新月高高夜漏分棗花簾子水沈薰石橋巷口諸年少解

唱當年白練裙

白練裙劇萬歷中休寧吳非熊新城鄭應尼嘲馬湘蘭作也

緩髻愁妝別樣新文殊眉映午痕勾洛成不用輕梳掠自

有文犀號辟塵

舊院盛時競向密犀簪

北里新詞那易聞欲乘秋水問湘君傳來好句紅鸚鵡今

日青谿有范雲

雲字雙玉有紅鸚鵡詩甚佳

十里清淮水蔚藍板橋斜日柳毵毵棲鴉流水空蕭瑟不

見題詩紀阿男

映淮字阿男詩人紀映鍾妹也
有秋柳句云棲鴉流水點秋光

題余氏女子繡洛神圖

余字韞珠工宋繡常作須菩提維摩詰像不減吳道

子畫筆今之神針也

明珠翠羽魏宮妝洛水微波渺正長欲寫陳王舊時恨唾

絨兼倣十三行

楊村舟中戲有投贈

河口花明錦纜春
研繚綾子領邊巾
不知何事牽儂意
欲疊紅箋賦洛神

明珠曲呈李司寇

促疊蠻鼉漏滴壺
紅靴十隊舞瓊瑜
狂夫閱盡南朝豔
不抵西樓一斛珠

留別

斗帳香寒歇舊薰
人間無路識行雲
江南紅豆相思苦
歲歲花開一憶君

觀黃皆令吳巖子卜篆生書扇各題一詩

歸來堂裏罷愁妝離隱歌成淚數行才調祇應同衛鑠風
流底許嫁文鴛蕭蘭宮掖裁新賦香茗飄零失舊章今日

貞元搖落客不將巧語憶秋孃

皆令○皆令有離隱詩

按皆令離隱詩序云予產自清門歸于素士兄妹媛
貞雅好文墨自幼慕之乙酉逢亂轉徙吳閭羈遲白
下後入金沙閉跡牆東雖衣食取資于翰墨而聲影
未出乎衡門古有朝隱市隱漁隱樵隱子殆以離索
之懷成其肥遁之志焉
爰作長歌題曰離隱云

紈扇凝香小字斜侶同金枕寄秦嘉景陽宮畔文君井明

聖湖頭道韞家繡閣新詞名漱玉朱絃妙格字簪花煙波

風雨錢塘路望斷西陵油壁車

巖子○詩用雨絲風片煙波畫船八字爲韻
巖子

名山太平人縣丞卞琳配詩文甚富
兼工書法女夢珏字立文亦能詩

雙峰南北盡紅渠畫靜瓊閨做碧虛鸚鵡雕籠初教賦櫻

桃小閣獨攤書名篇綺密知難竝諸妹天人總未如若許

他年尋白社丹青簾外藕花居

篆生○扇有白社丹青之句
詩品云蘭英綺密甚

有名篇又劉孝綽
諸妹有天人之目

有官長安者徐東癡屬爲訪霍小玉舊居戲調之

十二城門空夕陽霍王舊事斷人腸憑君蔓草尋香跡應

有人閒勝業坊

三尺烏絲事已空舊家門外野棠紅浣紗桂子皆零落西

市無人問玉工

寄巖州

秋水初波枕畔流
欲將情思寄巖州
京江斷鴈隨人遠
杜曲濃花入夢愁
夜雨迴眸留傅粉
清晨中酒看梳頭
富春此去千餘里
何處天邊風露樓

靈雛便面

朱竹屏山掩折枝
春鶯百轉詭人時
當時若與寧王去
未必心情似餅師

悼茂郎

赤霞趙太
守家歌兒

自悔狂奴到較遲若爲相見已相思何緣檀板金尊裏唱
我黃河遠上詞

粉帛衣香各自矜風流那復減安陵遙憐白紵清歌夜消
得吳江幾束綾

題吳藥仙畫

藥仙名琪吳縣人能
詩有香谷焚餘草

曉畫文殊淺樣眉幾丸螺墨碧參差儂今自作簪花格不
是當年衛茂漪

昭陽舟中讀閨秀徐幼芬遺詩

昭陽北望景依依江柳微黃鷺鴈飛空憶謝家才調美青

絲曾解小郎圍

鮑家作賦傳香茗秦氏題書寄素琴
斷粉零膏數行墨青蓮作舌楚蘭心

自來學得謝公碁博士風流幼婦詞
未免有情看不得橋

南荀令斷腸詩

幼芬七歲能與父奕

汪鈍翁改官後別納小姬戲爲花燭詞三首

花間靈鵲報新除才子今年典石渠
未必風流輸小宋兩行紅燭照修書

碧玉迴身奈此宵汝南鷄喚夜迢迢
從今倦聽蘭臺鼓莫

更熏衣事早朝

羸女吹簫引鳳雛莫將縑素怨狂夫似聞一語分明寄我
見猶憐況老奴

汪

琬

著文鈍翁
長洲人

鈍翁過揚州曾于阮亭座上賦雜詩云珠郎歌罷壁
郎歌夜半春情豔綺羅欲向畫船熏繡被教人無奈
使君何其風致不減樊川也又嘗爲蘇臺楊柳枝詞
一時和者甚衆阮亭題絕句二首於後云白家半格
詩曾見愛說蘇州柳最多今日鈍翁吟卷裏雨條風
絮奈君何鴈齒紅橋鴨嘴船麴塵風起豔陽天明湖
憶得吟秋柳慘
綠當年最少年

贈南員外家歌兒

員外渭
南人

聞道秦箏最有名
秦兒玉雪可憐生
自從偷得江南曲
不愛伊涼隊裏聲

洞簫一曲共關情
白髮吳儂感慨生
記得虎丘明月夜
劍池側畔按歌聲

鄒祇謨

評士程村武進人

程村與陳維崧其年黃永雲孫董以寧文友齊名稱
毘陵四子王阮亭歲暮懷人絕句云籍籍蘭陵四才
子陳黃鄒董各名家難忘雪
夜吳兒曲簫角寒梅正作花

金屋歌

婦人集曰金屋恭順侯吳維華姬人父筆工也才色殊麗幼穎悟讀書強記侯寵之

專房一日偶有他事失候意鋼別室中姬乃以小赫蹏作書敘其辛楚中有長生殿卷中人語

侯見之不解所出典籤某曰此玉環崔徽二
故實也侯大喜卽日迎歸邸第寵愛如初

長安軒車如水流紫髯玉面青鸞裘將軍世本休屠裔公
子家原浞野侯子侯年少善輕薄蹴鞠擣工六博倡家
調笑遇胡姬徘徊便訂三生約黃巾塵起暗山河絳灌平
津厄網羅四姓兒郎亡鐵券五侯子弟隸雕戈北兵十萬
除餘賊黑山掃盡盧龍側特進重修降表名儀同再拜歸
朝職朱提用盡自相矜牙璋新刻大中丞鼓刀俠少充驍
騎射鳥期門獻角鷹八騶前捧交龍敕萬戶侯兼二千石
瓠子河邊泊舳艫桃花扇底籌巾幘幕客言能賦美人苧

蘿夷光洛浦甄美人家住長千里一笑能生滿座春憶昔
美人年十五嬌嬈嫁作尋常婦阿父青溪賣筆工冶郎畫
舸明珠賈纖眸善睐衣青綃猜妬當年殺綠翹十離已作
金籠恨一去應從絳葉飄伯勞西飛時未久門前野鳥啼
烏桕玫瑰樹下更吹簫芍藥花前重進酒何來綺戶遍相
尋手持開府千黃金四角茱萸催寶帳雙環玳瑁共華簪
木蘭舟輕過邗水犢車晚到轅門啟一聲碧樹汝南雞歡
愛白頭從此起中丞獬豸何揚揚渾銀半脫坐胡牀青牛
帳下三千客白玉堂前十二行美人上堂方目攝意氣驕

慵殊不屑自云素縷從碧甃亡青衫不作琵琶妾中丞
輾轉惜傾城兒女情多慮損名一乘羶車歸故里龍諸螾
珠憶定情報命赫蹏箋半幅青絲七尺纏綿縛玉環丰態
崔徽畫誰料百年徒一宿翩翩書記何長瑜爲言三郎風
流天下無太真妃子再宜召麗情更有崔孃圖中丞聞言
慘不樂紫駝酥傾銀鑿落夜半私馳果下駒人生但跨揚
州鶴茫茫瓜步大江邊蘆中喚起掘頭船漁父掉頭佯不
應爾不聞淮南令公尊如天中丞躑躅長千里願得美人
顏色喜錦天花地固無雙立鬢朱顏安足齒美人褰簾始

一看寸心不足奉君歡君自狹邪諧彩燕妾從羅綺失青鸞
中丞膝席前再拜息壤區區難狡獪新人翠羽綴芙蓉
舊人紅袖成蔥薤熊幡展處幕府開凝笳疊鼓何喧阗二
十四支籠畫戟十里香塵迎夜來蘭膏靡火銀河綠錦衣
鵲尾車前簇千門萬戶矚香輿瑤臺築就藏金屋卽姬搔名
頭半墜髻飛鴉便面微遮色似花清晨宛轉金平脫太真外傳
嘗遺祿山金平脫裝具薄暮溫涼玉辟邪長河待檄餘皇舸深閨正
閉葳蕤鎖漏盡猶嫌桂炷銷妝成只向菱波坐卻自中丞
愛寵移越女燕姬盡怨咨金井轆轤捐碧玉孟青鞭扑殺

紅兒雀尾團花妝健婢中丞匍伏前長跪須教受杖學東
昏何煩更設宮中市此時自謂百不憂此時自謂長無愁
暝暝持來琥珀枕遙遙垂得珊瑚鉤誰知詔書一旦下削
官不得歸田野回黃轉紫失榮華窄袖短衣驅匹馬美人
紅顏倏忽徂黃土來親白玉膚使君自有燕臺婦賤妾寧
思建業夫君不見黃腸掩側哀秘器朱軒零落對獄吏公
侯將相如飛塵長向秋風揮涕淚

陳玉璫

廣明椒峰
武進人

小虎詞

小虎者里中顧秀才女也秀才落拓不顧家流
寓他所小虎年十二被賣於季刑部家作婢刑
部未知所由來以從嫁董文友後祠部巢君悉
其事於董遂擇嫁於王秀才董母吳夫人親爲
笄髻行禮送之恐人以婢子故輕之也無何王
秀才死轉爲村人婦自悼命薄時時念主人恩
日不如長作董家婢文友爲余言之因傷其遇
憐其情作小虎詞

昨夜月明今夜雨堦前總聽寒蛩語每愁飄泊念生平小

虎今年已如許董生當日射屏風百兩來時小虎從絲髮
剪齊初覆額人言初日照芙蓉澡豆盥來常掬月衣香薰
就不當風澁澁羞隨諸女伴避人常倚朱欄畔阮咸那得
求人種王珉未敢投團扇每見厨爇竊竊言小虎含愁復
含怨含怨含愁間不言只言弱病常多倦嬌小偏令主母
憐不教辛苦五流連一日董生曾召客祠部巢君起膝席
爲言小虎本名家老夫亦有葭莩戚董生聽罷忽傷神爲
惜飛花最感人辭卻故枝成片片枉飄溷廁任風塵方知
小虎年來意含怨含愁自有因吁嗟因向高堂說小虎聞

知背人立喚來燈下頻致詞目光瑩瑩衣袖濕自言小虎
本名家與巢果有葭李戚阿父支離不顧家阿母艱難愁
度日晨昏針線每相依乞火鄰家數米粒相依誰道更相
捐白髮未生中道失有兄落拓爨無煙來往携蒲惡少年
一朝負博十萬錢將儂插賣誠可憐訴罷舉家紛欲泣尤
教董母填胸臆便呼令子問良媒孝廉劉生爲作合云有
王生二十餘生長名家頗讀書若教舉案應相得卽望泥
金定不虛從此銅輿花下送鄭重相看初跨鳳董母呼來
爲上頭承恩覺得簪笄重此去相期守白頭此行但願長

無愁誰道王生亦薄命新得佳人身便隕春采靡蕪秋采
蒲小虎淒涼哭故夫縫成羅襪無由寄撫罷鸞膠恨已孤
金石心堅一旦誤去惟新寡空思故自傷漂泊每聲吞夢
中偏憶舊朱門燕謝雕梁巢野樹呢喃猶說主人恩誰何
昨日負薪至小虎傳言愧無地薄命休憐賤妾身深期卻
負夫人意不如作婢侍華堂做履猶存倘無棄小虎小虎
爾何知爾今失計悔已遲莫恨才人嫁厮養莫羨文姬歸
董祀晉后猶稱劉曜夫魏妃乃作孫騰伎爾今嫁作傭保
妻猶然末路糟糠計紅顏枉自傷青春人生有命莫含顰

古來英雄當日暮飄零失路難具陳李陵去漢嗟奄忽王
粲依劉殊苦辛潦倒才人如未死此身知道屬何人

陳廷敬

說巖澤
州人

聞笛

一片長安秋月明誰吹玉笛夜多情關山萬里無消息腸
斷風前入破聲

董以寧

文友武
進人

文友詩詞穠纖婉麗嘗著珊珊怨題詞云杜牧尋春
較晚惆悵芳時蘇嬈聘月來遲蕭條清夢又云月如
無恨似合長圓花到方開那
禁輕折語語皆堪腸斷也

卞立文過毘陵寓吳氏水閣因次梅村韻

畫堂燕子正初雛
荔子紅衫映雪膚
細語淺斟銀鑿落
迎涼閒賭玉撈蒲
閨中筆陣留書扎
鏡裏眉峰是畫圖
縱有箜篌聽不得
青溪愁絕蔣家姑

碧玉歌

紀錫山近事也

誰家少女擅妖嬈
舊住銀塘紅板橋
院內櫻桃垂綺戶
堤邊楊柳繫輕舸
家風最倚中郎重
門戶堪從絡秀驕
憶昔生年十四五
廣額豐頤好脣嫵
牡丹新髻八盤迴
蓮瓣纖鞋三寸楚
輕如驚燕度花飛
豔如彩鳳當風舞
早知炊飯

進劉晨詎便聞香防賈午可憐白皙他家郎父在金門母
在堂娶妻更得劉碧玉花葉葉自相當不道七丸乘醉
進玉樹飄風委北邙豈遺胎嫌太早鴛鴦舊夢本難忘
熏籠依舊葡萄被麝枕猶然玳瑁牀自寫祭夫篇尙在雞
聲便逐汝南王奔來不隔文君肆窺去原無朱玉牆階前
董偃嬌能拜花底秦宮醉更狂妝成每過瑤光寺繡罷常
攜濯錦坊握索時時寬和袂步虛夜夜捉迷藏消魂更有
留人處冠玉人來夜深語帳外流蘇響一聲低眸就把千
金許鴨爐香篆曉氤氳抱日嬌郎癡若雲行踪便了儻常

見信誓芳姿婢暗聞漫道小郎囑新婦寧知新婦配參軍
一朝鸚鵡叨叨說射鳥兒來空立雪生恐桃花結子貪歸
寧索向姑嫜別腰肢約束帶頻收翻悔當初采石榴入門
見母牽衣泣願母同登雲母舟水上洛神縹緲去感甄先
自淚長流藍橋卻遇他鄉客正是安仁悼亡日手致區區
八餅金偏喜佳人能再得猗嗟往事不堪思從此心堅尙
未遲回啼欲問新人笑倘憶當年初嫁時

徐

緘

伯調會稽人

客有述秦淮女子宋蕙湘題壁詩感而有作

何處黃金北斗傍
胡笳拍拍斷人腸
若無海水添成淚
莫話尊前宋蕙湘

附 宋蕙湘鄴城題壁詩

風動江空羯鼓催
降旗飄颭鳳城開
將軍戰死君王繫
薄命紅顏馬上來

按蕙湘題壁在衛輝旅店中長洲尤侗悔菴和云管絃未散鼓聲催金粉飄零寶鏡開好似明妃出塞去幾時桃葉渡江來又云青樓夢斷杳如煙懊惱郵亭一夜眠回首長干天外隔洛陽別有斷腸天

送黃皆令同外渡錢塘

沙頭挈玉瓶
揮手共飄零
潮落江心狹
雲歸天目青
樓船

龍子國詞賦女人星底事陶彭澤饑驅不暫停

贈閨秀王玉映

蕭山毛子曰玉映爲季重先生之女嗣本中郎
家餘鮑照紅吟未斷還傳續面之辭綠篴堪留
實儲傷心之句又題玉映詩緯調玉樓春云吳
山曉閣妝螺子山木倒開蠻鏡裏筆牀寒寫竹
衣紅書帶緩垂藤菜紫機頭小鑷穿花綺纂就
散絲盈絡緯秋波千頃照芙蓉無數綵霞江畔
起按玉映名端淑所著有紅吟集故陳玉璫詩
云客舍無端喚鷓鴣聖湖風物杳難圖他時欲
覓吟紅處梔子
枇杷伴碧梧

多病復他鄉鉛華減昔妝枕函紅淚滿裙帶細腰長夢秤
才無敵傾城瘦不妨從來謝道韞天壤恨難忘

本事詩

卷十

十四

吳懋謙六益華亭人

豔曲贈蕭姬

春搖晴色樹交花環珮垂垂映水涯
杜曲梨香嬌白雪武陵桃暖泛紅霞
簫沈殘恨青樓上琴咽新愁碧玉家
寄得羅巾曾到否重門深鎖月光斜

顧景星

黃公赤方
蕪春人

楚宮老妓行

南京樂籍藍七孃善鞞韞蹴毬入楚宮亂後爲尼

白頭緇衲誰家軀身似虛舟眼如霧
自言十五學新聲名在宜春內人部
初隨阿母長千里轉入金沙洲裏住
門前

車馬隘阇闔席上纏頭不知數章華驕貴世應稀徵歌度
曲辨音徽龍樓讌月香成陣鳳扇障風肉作圍曾逐行宮
同象輅不嫌花底奪鸞篦鴛鴦瓦暗流螢度翡翠簾深絡
緯啼年年恩例官舖後善和門外饒花柳東肆郭郎西肆
歌社北厨孃社南酒半仙小女鬪腰支齊雲兒郎好身手
王舍空門乍改移平臺戚里今何有乍來豈識婆羅門夢
中只記君王后初時夏臘尙紅顏幾度春秋成老醜君不
見古來緯翟椒房尊幾多失勢爲桑門柔福當年死沙漠
妖尼詐作平王孫家亡國破有如此嫗乎嫗乎何足論莫

到玉鉤斜下路天陰新鬼哭黃昏

閱梅村王郎曲雜書絕句志感

崑山腔管三絃鼓誰唱新翻赤鳳兒說著蘇州王紫稼教

坊紅粉淚偷垂

王郎爲江南御史杖殺

廣柳紛紛去盛京一聲嗚咽倍傷情行人怕聽陽關曲先

拍冰鞍上馬行

郎送出塞諸君歌甫發聲衆不忍聽爭上馬而去

永豐坊內綠楊枝曾弄春風上玉墀舊日承恩成底事江

南幾度落花時

郎嘗言在江南時從太監韓贊周以一曲供奉

日永吳趨囀乳鶯翠釵嬌困不勝情尋常賓客誰驚座不

是王郎卽柳生

敬亭柳老義俠士也善平話

柳生凍餓王郎死話到勾欄亦愴情好把琵琶付盲婦裏

頭彈說舊西京

西京舊日知名者籍隸中山供奉臣一自龜年零落後岐

王第宅屬何人

李小大善歌

夢到江南勝返魂紫駝人去塞垣昏金陵盛日猶堪訪風

雪初歸寇白門

白門名媚後北去得放歸

玉笙正要松風奏垂老關情到此曹不爲管絃頭白後祇

難重聽鬱輪袍

十錯新聲解得無傳從皖水到留都後來事事都成錯錯

認當年阮佃夫

梅村集中稱阮佃夫指阮尚書大鍼也

永和宮怨雒陽行手語矜能卞王京勸君莫羨元和妓不

是元和腸斷聲

高霞寓聘妓妓曰我誦得白學士長恨歌何薄我爲

妖妃璧后擬非倫說到冬青更失真欲識永和宮內事他

年間取塚中人

曹魏時有人伐周王冢得殉女子郭太后養之十餘年太后崩此女哀思而死宋都

臨安時宮中有一晉宮人亦從冢中出者能道晉宮事

酒闌人散月當中徙倚花陰喚小叢莫譜琵琶對明月月

明曾照舊西宮

憶戊子夏客廣陵遇田九自云故貴妃異母季弟

也潛述其事恨流傳失實追賦此篇

梅村又有田家鐵獅

歌

內府玉盤紅一尺昨日宮奴偶攜出至尊乍索阿監驚白

靴不待東方明

帝德之嚴可知矣西司房緝捕皆著白靴

御街初屏金蓮炷線

香引過西清路鋪宮恩例本尋常萬壽金錢雜銀豆內家

漸作兩般妝姑蘇梳掠遜維揚祗爲奇香進鈎弋何曾紈

扇怨昭陽端門北望乾清遠永和月落鷄鳴短未聞樊嬈

使兩宮不比班姬召同輦漏水丁東十五聲銅籤擲響正

三更朱鳥牕前誰竊聽自鳴枕上至尊驚

宮中微響起于宮人自鳴枕大

西洋

所獻君王盛德無瑕疵母后推恩保終始外人誤指武安

驕椒殿還憐貴妃死珠襦冷落出昌平忍料龍輜早晚行

商賈醵錢開隧道行人麥飯上清明

貴妃初葬昌平甲申四月初一日李賊令

三十六人奉崇禎梓宮十六人奉周皇后梓宮並厝妃墓所義民歛錢三萬開隧道

萬事消沈有如

此綺語何緣流青史田家鐵獅真足悲誰氏銅駝沒荆杞

江東太尉說興亡長慶詞臣數上皇難起荒墳舊宮婢須

存故國老中郎貴妃季弟流離苦曾抱琵琶向予鼓一彈

別鶴低翠眉再鼓哀蟬淚如雨秋草斜陽恨未消諸陵宰

木總蕭條誰唱永和宮裏曲夜深紅鬼訴蓬蒿

無題

江都某氏女有國色爲高興平營將所得復流轉入北其主從軍留姬江左以禮自閑而

悲怨時時見于吟咏有死媿鴛鴦塚生非燕子樓之句亦可悲矣

騶馬曼胡久未歸雕牀黼帳出應稀池邊楊柳春陰合樓上簾櫳乳燕飛弱髻罷梳鄉俗改蘼蕪欲采故人非江陽姊妹今猶在一面菱花淚染衣

孫

暘

赤崖常熟人

贈紅蘭

并序

偶遊天津與紅蘭遇蘭能詩善調笑本浙東名

家女余歸江南紅蘭贈詩云情淚好隨潮水去
送君雙槳到姑蘇余有留別數首僅憶其一

天津橋北酒家胡白板扉迎丁字沽近水桃花開竝檻隔
簾人影坐當壚留髡醉月歌楊柳送客乘潮唱鷓鴣珍重
旗亭尋後約紅巾小字淚模糊

毛先舒

馳黃一名
駢錢塘人

題俞瓊英遺集

宋玉多愁客江淹本恨人如何誦遺稿霜鬢又添新

斷河夢引爲陸孃作

吳峰天淡吳雲碧
百子燈紅照離席
天河夜落織女星
靈鵲橋西化爲石
青松藹藹月皎皎
一聲鷄喚春煙曉
流蘇四幄不飛塵
率地金泥藍鳳小
鈿車憶昔出瑤池
曳雲裊雨何參差
離腸一奏斷河引
酒樽茶碗俱含悲
斷河河水流香絮
彈鶯偏著花濃處
銀漏丁東隔夾城
江門月上催船去

李娃歌

銀河月淡流濃雲
天門統統清漏聞
酒闌比耦各覓羣
伊嚶嬌女昵不分
鑪中沈水高一丈
猶獸吐焰香氤氲
李娃

十三擅樂方垂髻鬢鬢覆額長玉刻雲翹九龍子繡帖羅
裾雙鳳凰秀眉單眼自塵外皎若青天曳紅旆地衣不綰
平步過直下何曾動裙帶文螺作杯光陸離注酒酌我我
豈辭東方忽高須知之當筵不醉非男兒

贈王采生詩四首 并序

蓋聞柴桑高韻非無西軒之曲楚士貞心亦有
東鄰之賦雖託興于豔歌實權輿于大雅者也
同郡范子天情高逸風調露朗埋照濁世混跡
蒿塵莫愁湖畔屢變新聲阮籍壚頭何疑沈醉

爾乃偶然命屐暫爾逢僊地多松柏上賓邀除
徑之歡門掩枇杷才子乃掃門之客其人也產
自鶴沙僑居鳳麓收束近禁中之態散朗饒林
下之風若乃妙能促柱雅工垂手丹唇乍啟毫
髮崩雲響屣初來璫瑜如水感此傾城之好遂
叶同聲之歌白門柳下夜夜藏烏油壁車邊朝
朝騎馬是以紅牋十丈寫幽豔以難窮白紵千
絲縈繁愁而欲斷茂矣美矣婉兮變兮南方故
多佳人而西陵洵稱良會者也于是傳諸好事

遞撰新篇旣美一緒之聯文且驚諸體之競爽
昔者囉噴曲好鏡湖開色善和筆妙雪嶺更題
總標美于青樓均流音于斑管以茲方昔將無
過之僕憂病無方風流殆盡聊宜短敘并製韻
文悔其少作敢借口於揚雲輒冠羣賢終汗顏
于李白云爾

昨日非今日新年是舊年迷人春半草相望隔江煙
鴨臥香爐煖蜂憎繡幕垂何當寒食雨著意濕花枝
吳綃吹夢薄楚簾壓嬌多宿髻鬆處教誰喚奈何

柳汁勻晨黛桃脂助晚妝誰憐薄命妾不負有心郎

吳

綺

蘭次江都人

蘭次少讀書康山之麓既而待詔金馬奉
敕填詞流傳宮掖人都目爲江都才子

董少君哀辭

少君名白字小宛桃葉名姬也姿穠轉玉品貴
埋金鶴矢意于離羣鴛有懷而慕侶吾友辟疆
聞聲音渡覲面蘇臺燈下團沙醉眼曳留仙之
帶江邊畫槳同心借續命之絲乃雅韻難諧情
波更折三生有石遂堅匪石之心離恨無天欲

作問天之想轉車輪于午夜瘦盡燈花駕艇子
以秋風來逢月樹遂使當時才子競著黃衫命
世清流爲牽紅線玉臺重下溫郎信是可人金
屋皆歸汧國遂爲佳婦閒心向月并囀紅簫巧
笑作花同臨碧鏡香分博士貪燒鷓鴣之斑書
學夫人戲問鴛鴦之字扇松風於林下靜影如
吹咒桃雪于庭前天心自浣新橙未擘纖手訝
其香留弱蕙初承小睡疑于花亂斯可謂獨秀
青閨恆芳彤管者矣爾乃樓通西閣琴調大婦

之心饒進北堂藝譜老姑之性過華亭而聽鶴
亂中存趙氏之書入臯廡而依鴻病裏伴龐公
之坐十年織錦巧在絲前五夜彈箏韻流絃外
而驚鸚鵡之夢果有不祥葬鸞鳳之身于焉速
化死而可忍彌留椒蕊之筵去必有歸恍惚蓮
花之國某偶遊射雉恰直騎鸞見奉倩之神傷
爲安仁而氣盡雲高巫嶺不遮傷逝之心雨入
巴山盡是悼亡之淚展銀鈎于遺墨覩舊日之
鈔書省瑤佩于生綃見春風之出畫聞其語矣

爲之泣然媿乏八叉之才聊代七哀之賦青牛
帳裏想入夢以氤氲紫玉墳邊當歌聲而宛轉
憔悴春衫杏子紗潘郎二月葬梨花愁能無淚天將老死
到多情月不華拋散珍珠思鬧掃丟殘鐵撥在琵琶莫言
燭燭因灰盡想到當年油壁車

麻姑去後小姑閒獨剩雙成又早還此日若教居海上當
年何事降人間青絲有結寬腰帶白玉無心認指環地下
果容長見憶也應愁損舊眉彎

帳中環珮望遲遲腸斷春蠶死後絲兒女何能知古處英

雄誰信不時宜支離白月長生語零落紅牋小字詩莫怪
東陽新病沈十年吾亦爲花癡

月路雲階信渺茫愁人夜起合歡牀嬌心欲盡原非福薄
命無才或可長雕玉枕沾桃瓣粉縷金箱疊藕絲裳癡魂
不逐梨雲去肯向巫山魅楚王

韓繡行

天上雲襄隔銀渚吳宮絲絕難重數泖水曾傳顧氏娥蘇
臺今見韓家女韓家女紅稱最奇劉郎珍重不輕攜官閒
畫舫陳烏几酒罷巾箱出紫綈鶴紋素綾不盈尺八幅神

鍼留異跡設色如開張藻圖寫生欲奪邊鸞筆第一梅枝

第二蘭幽香拂拂指頭看唐英偃雪魂俱淡湘佩臨風影

不乾三爲古石四水草玲瓏蕩漾皆天巧辟邪僵臥莓苔

深沙虹跳擲蘋花老五六蛺蝶飛秋花碧畦菰菜茁霜芽

次七靈芝光爛熳次八老竹形欹斜內中此君尤叫絕碧

幹蕭疎才幾葉瀟湘江上一枝風簣簣谷裏三更月後題

小楷字難捫玉篆鈴朱更絕倫都無彩筆臨摹跡況復金

鍼點綴痕虎頭家製多曾見霜禽露卉生宮線一朝歛手

作扶餘尹邢竝坐應低面劉郎劉郎誠快哉此卷從何覓

得來請君更展紅牕快爛醉冰堂綠酒杯

秦淮和周櫟園先生韻二首

一帶朱樓映紫霞段師家世教琵琶碧窗曉膩鷓鴣粉紅
袖春嬌蛺蝶花鑪畔遠山巴子黛欄邊新水越娥紗當年
記得吹簫曲明月寧容薄霧遮

面面疎櫺傍水開賞心亭下足徘徊游人自墜金鞭去商
女曾歌玉樹來五里霧迷煎甲火百枝燈照玩春杯小桃
一向東牆發惹得遊蜂日幾回

徐嘉炎

華隱秀
水人

戲贈何郎二絕

待得郎時月又低
勝梳薄髮掩妝啼
金莖可是能消渴
斜倚薰籠聽曙鷄

郎心不肯畏風波
如此風波奈若何
桃葉渡頭蘭橈盡
黃姑終竟隔天河

春江曲

十九歲作

春水滿江生江流不肯住
風流終日行何處
尋郎去
君行春江外妾住春江邊
朝朝看江水夜夜望江船
瞿塘千里來逆浪高三尺
風波不可去夕陽留估客

水轉金陵月風吹揚州花東西兩相隔俱在阿儂家
春江浩無底水深雲亦深雲影留江中如郎在妾心
桃花照水邊梅子懸山側誰教青復紅使我無顏色

顧

樵水吳
江人

贈秋佩較書

獨理霓裳深谷幽不同一女漢濱遊芳林一夜花爭放腸
斷春風十二樓

六六屏山隱曲房挑燈散帙夜初長無勞手浣薔薇露合
德從來體自香

樂府新聲按拍催由來傾國自多才
生辰恰近雙星節應
向天孫乞巧來

本事詩後集卷十終